

(2) Izvještaj o provedenim aktivnostima iz stava (1) ovog člana upravitelju su dužni dostaviti Općini Ilijaš, na znanje.

Član 29.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-939-2/2022
29. aprila 2022. godine
Ilijaš

Predsjedavajuća
Općinskog vijeća
Alma Omerović, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 55. tačka 2. Statuta općine Ilijaš ("Službene novine Kantona Sarajevo", broj 20/09 - Prečišćeni tekst i 46/18), te člana 99. Poslovnika o radu Općinskog vijeća Ilijaš ("Službene novine Kantona Sarajevo", broj 2/10, 18/15 i 7/19), Općinsko vijeće Ilijaš, na 16. sjednici održanoj 29.04.2022. godine, donosi

ODLUKU

**O VISINI NAKNADE ZA RAD PREDsjedNIKA I
ČLANOVA SAVJETA MJESNIH ZAJEDNICA OPĆINE
ILIJAS**

Član 1.

(Predmet Odluke)

Ovom Odlukom utvrđuje se pravo na naknadu predsjednicima i članovima Savjeta mjesnih zajednica Općine Ilijaš, za njihov angažman i učešće u radu Savjeta mjesne zajednice.

Član 2.

(Visina naknade predsjednika i člana Savjeta MZ)

Predsjedniku Savjeta mjesne zajednice pripada pravo na naknadu u mjesečnom iznosu od 300,00 KM.

Članu Savjeta mjesne zajednice pripada pravo na naknadu u mjesečnom iznosu od 25.00 KM.

Uslov za ostvarivanje prava na naknadu je prisustvo sjednici Savjeta mjesne zajednice koja se u pravilu održava najmanje jedanput u toku dva mjeseca.

Općina Ilijaš će na utvrđene i isplaćene iznose naknade, pripadajuće poreze i doprinose isplaćivati na teret Budžeta Općine Ilijaš.

Član 3.

(Obračun i isplata naknada)

Nadležna Služba za društvene djelatnosti i poslove mjesnih zajednica Općine Ilijaš, na osnovu dostavljenih Zapisnika sa održanih sjednica Savjeta mjesne zajednice, vodi službene evidencije o broju održanih sjednica i prisustvu predsjednika i članova Savjeta mjesnih zajednica sjednicama, te iste mjesečno u vidu izvještaja dostavlja Službi za privredu i finansije, koja vrši obračun i isplatu naknada iz člana 2. ove Odluke.

Član 4.

(Sredstva za sprovođenje Odluke)

Sredstva za sprovođenje ove odluke obezbjeđuju se u Budžetu Općine Ilijaš.

Član 5.

(Stavljanje van snage prethodne Odluke)

Danom stupanja na snagu ove Odluke, prestaje da važi Odluka o visini naknade za rad članova Savjeta mjesnih zajednica Općine Ilijaš broj 01/1-02-1305-2/19 od 28.06.2019. godine ("Službene novine Kantona Sarajevo", broj 28/19).

Član 6.

(Stupanje na snagu Odluke)

Ova Odluka stupa na snagu danom objavljivanja u "Službenim novinama Kantona Sarajevo", a primjenjivat će se od 01.05.2022. godine.

Broj 01/1-02-993-5/22
29. aprila 2022. godine
Ilijaš

Predsjedavajuća
Općinskog vijeća Ilijaš
Alma Omerović, s. r.

Na osnovu člana 6. Zakona o komunalnim taksama ("Službene novine Kantona Sarajevo", broj 8/22), članu 13. Zakona o principima lokalne samouprave ("Službene novine Federacije BiH", broj 49/06 i 51/09), člana 55. stav 1. tačka 9. a u vezi sa članom 99. stav 3. alineja 5 Statuta Općine Ilijaš ("Službene novine Kantona Sarajevo", br. 20/09 - Prečišćeni tekst i 46/18), te člana 99. Poslovnika Općinskog vijeća Ilijaš ("Službene novine Kantona Sarajevo", br. 2/10, 18/15 i 7/19), Općinsko vijeće Ilijaš, na svojoj 16. redovnoj sjednici održanoj dana 29.04.2022. godine, donosi

ODLUKU

**O IZMJENI I DOPUNI ODLUKE O VISINI
KOMUNALNIH TAKSI NA PODRUČJU OPĆINE ILIJAS**

Član 1.

U Odluci o visini komunalnih taksi na području Općine Ilijaš ("Službene novine Kantona Sarajevo", br. 13/22), član 2. dopunjava se stavom 2. koji glasi:

Izuzetno od odredbi stava 1. tačka a) ovog člana taksa se ne plaća na istaknutu firmu čija tabla ne prelazi dimenzije 200x300 milimetara.

Član 2.

U članu 12. dodaje se novi stav 4. koji glasi:

Fizička i pravna lica koja posluju na području mjesne nadležnosti Općine Ilijaš taksu na istaknutu firmu za 2022. godinu plaćaju u visini 40 % iznosa utvrđenog Tarifnim brojem 1.

Član 3.

Odluka stupa na snagu danom donošenja, a ista će biti objavljena u "Službenim novinama Kantona Sarajevo".

Broj 01/1-02-939-7/22
29. aprila 2022. godine
Ilijaš

Predsjedavajuća
Općinskog vijeća Ilijaš
Alma Omerović, s. r.

Na osnovu člana 6. Zakona o javnim preduzećima u Federaciji BiH ("Službene novine Federacije BiH", br. 8/05, 81/08, 22/09 i 109/12), člana 55. Statuta Općine Ilijaš, prečišćeni tekst ("Službene novine Kantona Sarajevo", br. 20/09 i 46/18) i člana 99. Poslovnika Općinskog vijeća Ilijaš ("Službene novine Kantona Sarajevo", br. 2/10, 18/15 i 7/19), Općinsko vijeće Ilijaš, na svojoj redovnoj 16. sjednici održanoj dana 29.04.2022. godine, povodom razmatranja Izvještaja o poslovanju JKP "Vodostan" d.o.o. Ilijaš za 2021. godinu

ODLUKU

**O USVAJANJU IZVJEŠTAJA O POSLOVANJU JKP
"VODOSTAN" D.O.O. ILIJAS ZA 2021. GODINU**

Član 1.

Usvaja se Izvještaj o poslovanju JKP "Vodostan" d.o.o. Ilijaš za 2021. godinu, sastavljen od:

- Odluke Skupštine JKP "Vodostan" d.o.o. Ilijaš o usvajanju Izvještaja o poslovanju JKP "Vodostan"